

## Ūnu pē ‘a e Uite

*Hiva ‘o Semisi Makai*

*(Fatu ‘e Manisela Fifita Sitake, Sune 2009)*

Mamalu pōpō‘uli ‘a e ‘Otu Toa Hola  
Matafi ‘a e loa, fotu e Ongo Māhanga  
Pōlaki-mo-Kasitoa ‘a si‘ena malama  
Hulungia ai ‘a e Sipa‘ilā ‘Esipānia

‘Alu Lou Vahivahi telekaki ‘i Felenite  
Puka ‘o e Mo‘oni tangi mei he kelekele  
Ui faka‘aulolongo malie ‘a e Talupite  
‘Oua Paki mo Talaha kae ūnu pē ‘a e uite

Kuku Kaunaka ‘a e fuifui ‘o ka olo  
‘A‘alo ‘i Matafota; kakau he vai loloto  
Tama tu‘u ‘aliaki ‘oua Koli Tali ‘Aho  
Kītaki pea Filia mo e ‘Elili ‘a ‘eta moto

‘Alá ‘Ingilani mo e ‘Otu Maka Hinisi  
Ngalu ‘o Tapululululu ko e tafenga po‘oi  
Fanga ‘Ufilei, Lia‘anga huo ‘a Maui  
To‘ofuhe vaivai ‘a e Manu-‘o-Palataisi

‘Ise‘isa kuo iku‘i e heke ‘o e Hafu  
Taha pē ‘a e La‘ā pea mo hoto Fakaū  
‘Io, tauhi pea ī‘aki ia ki he kaha‘u  
‘Ikai ta‘ofi ē lelei ‘i he ‘a‘eva totonu

*(Same 84:11)*

Tau:

Me‘a mai tama ki hoku fatafata  
‘Ikai ha toe pale ma‘olunga taha  
Sio mama‘u mai ‘i he taimi kotoa  
Inu he‘eku Ipu; ma‘u ho Tufakanga